

禮記卷之六

陳澧集說

玉藻第十三

此篇記天子諸侯服冕笏佩諸制及行禮之容節

天子玉藻十有二旒前後邃延龍卷以祭

玉冕前後垂旒之玉也藻雜采絲繩之貫玉者也。以藻穿玉以玉飾藻。故曰玉藻。邃深也。延冕上覆也。玄表而纁裏。前後邃延者言前後各有十二旒垂而深邃延在其上也。龍袞畫龍於袞衣也。祭祭宗廟也。餘見禮器。

音註

邃音粹卷讀爲袞

玄端而朝日於東門之外聽朔於南門之外

朝日春分之禮也。聽朔者聽月朔之事也。東門南門皆謂國門也。○疏曰知端當爲冕者

皮弁尊次則諸侯之朝服又其次玄端諸侯
皮弁聽朔朝服視朝是視朝之服卑於聽朔
今天子皮弁視朝若玄端聽朔則是聽朔之
服卑於視朝且聽朔大視朝小故知端爲冕
謂玄冕也是

音註

端讀爲冕
朝音潮

閏月則闔門左扉立于其中

鄭氏曰天子廟及路寢皆如明堂制明堂在
國之陽每月就其時之堂而聽朔焉卒事反
宿路寢閏月非常月也聽其朔於明堂門中
還處路寢門終月○疏曰樂太史云終月謂
終竟一月所聽之事於一月中耳尋常則居
燕寢也皇氏云明堂有四門卽路寢亦有四
門閏月各居其時當方之門義或然也○大
按闔門左扉者左爲陽陽爲正以非月之正
故闔左而由右

皮弁以日視朝。遂以食。日中而餽。奏而食。日少
牢。朔月犬牢。五飲。上水。漿。酒。醴。醢。

皮弁服。天子常日視朝之服也。諸臣同此服。日中而餽。謂日中所食。乃朝食之餘也。奏。作樂也。日。常日也。朔月。月朔也。上水。以水爲上也。下四者。說見內則。○疏曰。餽尚奏樂。卽朝食奏樂。

可知

音註

少去聲。大音泰。醢音移。

卒食。玄端而居。動則左史書之。言則右史書之。
御瞽幾聲之上下。年不順成。則天子素服。乘素
車。食無樂。

玄端服。說見內則。玄者。幽陰之色。宴息向晦而服之。於義爲得也。御瞽。侍御之樂工也。幾。

察也。察樂聲之高下以知政令。音註端如字。之得失也。此以上皆天子之禮。音註幾平聲。

諸侯玄端以祭。禪冕以朝。皮弁以聽朔於大廟。

朝服以日視朝於內朝。

禪冕公衮。侯伯鷩冕。子男毳也。朝見天子也。諸侯以玄冠緇衣素裳為朝服。凡在朝君臣上下同服。但士服則謂之玄端。袂廣二尺二寸。故也。大夫以上皆侈袂三尺三寸。○方氏曰：天子聽朔於南門。示受之於天。諸侯聽朔於太廟。示受之於祖。原其所自也。天子諸侯皆三朝。外朝在庫門之外。治朝在路門。音註端之外。內朝在路門之內。亦曰燕朝也。音註讀

冕為

朝辨色始入。君日出而視之。退適路寢聽政。使

人視大夫大夫退然後適小寢釋服

臣入常先君出常後尊卑之禮然也視朝而見羣臣所以通上下之情聽政而適路寢所以決可否之計釋服釋朝服也

又朝服以食特牲三俎祭肺夕深衣祭牢肉朔月少牢五俎四簋子卯稷食菜羹夫人與君同庖

三俎特豕魚腊也周人祭肺夕夕食也牢肉卽特牲之餘也五俎加羊與其腸胃也簋盛黍稷之器常食二簋月朔則四簋也子卯說見檀弓夫人不特殺故云與君同庖也

註 食音嗣

君無故不殺牛。大夫無故不殺羊。士無故不殺犬豕。君子遠庖廚。凡有血氣之類。弗身踐也。至于八月不雨。君不舉。

天子膳用六牲。則無故亦殺牛。此言國君也。天子之大夫有故得殺牛。此無故不殺羊。謂諸侯之大夫也。故謂祭祀及賓客饗食之禮也。祭禮有射牲之文。此言弗身踐。亦謂尋常也。八月。今之六月。

殺牲盛饌日舉

音註

遠去聲。踐讀爲翦。食音嗣。

年不順成。君衣布搢本。關梁不租。山澤列而不賦。士功不興。大夫不得造車馬。

衣布。身著布衣也。士以竹爲笏。而以象飾其本。搢。挿也。君挿士之笏也。關。謂門關。梁。謂澤

梁不租不收租稅也。列當作迺。遮遏之義。周禮山虞掌其厲禁。鄭云。遮列守之是也。凶年雖不收山澤之賦。猶必遮迺其非時采取者。造新有製作也。此皆為歲之凶。故上之人節損以寬貸。

音註

衣去聲。摺音薦。著音勾。皆為為去聲。

卜人定龜。史定墨。君定體。

周禮龜人所掌。有天地四方六者之異。各以方色與體辨之。隨所卜之事。各有宜用。所謂卜人定龜也。史定墨者。凡卜必以墨畫龜。以求吉兆。乃鑽之以觀其所折。若從墨而折大謂之兆廣。若裂其旁岐細出則謂之兆坼。亦謂之兆璽。韻書璽音問。器破而未離之名也。體者。兆象之形體。定謂決定其吉凶也。○疏曰。尊者視大。卑者視小。

君羔幣虎犢。大夫齊車。鹿幣豹犢。朝車。士齊車。

鹿蓐豹犢

蓐者覆軾之皮。犢緣也。君之齊車以羔皮覆軾而緣以虎皮。朝車亦謂大夫之朝車以下文兩言齊車故知上為君齊車也。

音註

音齊。音覓。犢音直。齊音齋。覆緣並去聲。

君子之居恒當戶。寢恒東首。若有疾風迅雷甚雨則必變。雖夜必興衣服冠而坐。

向明而居。順生氣而臥。敬天威而變。凡知禮者皆當如是。不但有位者也。故以君子言。

音註

音首。去聲。

日五盥。沐稷而饋。梁櫛用櫛。櫛髮晞用象櫛。進

機。進羞工乃升歌。

盥洗手也。沐，稷以漸。稷之水洗面也。櫛，櫛也。白木梳也。晞，乾也。象櫛象齒梳也。沐而飲酒曰醴。羞則籩豆之實也。用象櫛也。工乃升堂以琴瑟而歌焉。既充之以和平之味。又感之以和平之音。皆為新沐氣虛致其養也。

音註

醴音悔。櫛音展。醴音賢。

浴用二巾。上絺下綌。出杆履。蒯席。連用湯。履蒲席。衣布。晞身。乃屢進飲。

杆，浴盤也。履，踐也。蒯，席。蒯，草之席也。漚，洗也。履，蒯席之上。而以湯洗其足。垢然後立於蒲席。而以布乾潔其體。乃著屨而進飲也。

音註

杆音干。連讀為漚。力甸切。衣去聲。

將適公所。宿齊戒。居外寢。沐浴。史進象笏。書思。

對命

大夫之有史蓋掌文史之事耳非史官之比也。思謂意所思念欲告君之事對謂君若有問則對答之辭命謂君所命令當奉行若此三者皆書之於笏故曰書思對命皆謂敬謹之至恐或遺忘也。

音註

齊音齋

既服習容觀玉聲乃出揖私朝輝如也登車則有光矣。

既服著朝服畢也容觀容貌儀觀也玉聲佩玉之聲也揖私朝與其家臣揖而往朝于君也輝與光皆言德容發越之盛光則又盛於輝矣。

音註

觀去聲

天子搢珽方正於天下也。

揖。揖也。亦多也。即玉人所謂大圭長三尺者。是也。以其挺然無所詘。故謂之瑱。蓋以端方正直之道。
音註 瑱音薦。瑱他頂切。

諸侯茶。前詘後直。讓於天子也。

茶者。舒遲之義。前有所畏。則其進舒遲。諸侯之笏。前詘者。圓殺其首也。後直者。下角正方也。以其讓於天子。故殺其上也。
音註 茶音舒。詘音屈。殺去聲。

大夫前詘後詘。無所不讓也。

大夫上有天子。下有已君。故笏之下角亦殺而圓。示無所不讓也。

侍坐則必退席。不退則必引而去。君之黨。

臣侍君之坐。若側旁有別席。則退就別席。或旁無別席。可退。或有席而君不命之退。則當

引而却離坐於君親黨之下也。一說黨屬於鄉而小故以爲旁側之喻。

登席不由前爲躡席

疏曰失節而踐爲躡席應從下升若由前升是躡席也。鄉飲酒禮賓席于戶西以西頭爲下。主人席于阼階介席于西階皆北頭爲下。賓升席自西方。註云升由下也。又記云主人介凡升席自北方降自南方。註云席南上升由下降由上。主人受獻自席前適阼階是降自北方者以受獻正禮須席末啐酒因從北方降也。故註云由便也。若尋常無事則升由下而降由上。若賓則升降皆由下也。○今按此說席之上下固爲明白竊意此經八字當作一句而爲字平聲蓋行禮之時人各一席而相離稍遠固可從下而升若布席稍密或數人共一席則必須由前乃可得已之坐若不由前則是躡席矣。

徒坐不盡席尺

徒空也。非飲食及講問之坐爲徒坐。不盡席之前一尺。示無所求於前也。

讀書食

句

則齊豆去席尺

石梁王氏曰。食則豆去席尺。讀書則與豆齊。亦去席尺。是謂齊豆去席尺。

若賜之食而君客之。則命之祭。然後祭。先飯辯

嘗羞飲而俟。

客之以客禮待之也。然必命之祭。然後祭者。不敢以客禮自居也。先食而徧嘗諸味。亦示臣爲君嘗食之禮也。飲而俟者。禮食未殮以前。啜飲以利滑喉中。不令澀噎。今君猶未殮。故臣亦不敢殮。而先嘗羞。嘗羞畢而啜飲。以俟君殮。臣乃敢殮也。

音註

飯上聲 辯音徧

若有嘗羞者則俟君之食然後食飯飲而俟君
命之羞羞近者命之品嘗之然後唯所欲凡嘗
遠食必順近食

此謂君但賜之食而非客之者則膳宰自嘗
羞故云若有嘗羞者此臣既不祭不嘗則俟
君食乃食也雖不嘗羞亦先飲飲以利喉而
俟君也羞近者但於近處食一羞也品猶徧
也凡嘗遠食必自近者始
音註 飯上
客與下客皆然故云凡也

君未覆手不敢殮君既食又飯殮飯殮者三飯
也君既徹執飯與醬乃出授從者

覆手者謂食畢而覆手以循口之兩旁恐有
穀粒汚著之也殮以飲澆飯也禮食竟更作

係音僕屑
二音

爲已係卑

凡侑食不盡食食於人不飽唯水漿不祭若祭

曲禮云徹飯齊以授相者也

音註

飧音孫上三飯上聲執飯去聲從去聲先去聲

三飧以助飽實故君未覆手則臣不敢殮
不敢先君而飽也既猶畢也君畢食則臣更
飯殮也三飯並是殮謂三度殮也故曰飯殮
者三飯也君食竟既徹饌臣乃自執已之飯
與醬出授已之從者此食已所當得故也此
非客禮故得以已饌授從者故公食大夫禮
賓取梁與醬降奠於階西不以出也若非君
臣但是降等者則徹之以授主人之相者故
以授相者也

食而勸侑禮之勤也食之不盡與不飽禮之
謙也公食大夫禮賓祭禪漿臣敬君之禮此
言水漿不祭禮各有所施也水漿非盛饌之
比若祭之則爲大係卑矣已太也係厭也謂

太厥降卑微也

音註

係虛涉切
厭入聲

君若賜之爵則越席再拜稽首受登席祭之飲
卒爵而俟君卒爵然後授虛爵君子之飲酒也
受一爵而色洒如也二爵而言言斯禮已三爵
而油油以退退則坐取屨隱辟而后屨坐左納
右坐右納左

洒如禮度明肅之貌言言與闇闇同意氣和
悅之貌已止也油油謹重自得之貌坐取屨
跪而取屨也隱辟而后屨不敢向人而著屨
也跪左足而納右足之屨跪右足而納左足
之屨此納
屨之儀也
音註
作闇闇辟音僻
酒先典切言言讀

凡尊必尚玄酒。唯君面尊。唯饗野人皆酒。大夫側尊用斚。士側尊用禁。

尊尚玄酒。不忘古也。君坐必向尊。示惠自君出而君專之也。饗野人如蜡祭之飲是也。禮不下庶人。唯使之足於味而已。故一用酒也。側旁側也。謂設尊在賓主兩楹之間。旁側夾之。故云側尊。斚禁見禮器。○疏曰。若一尊亦曰側尊。故士冠禮云。側尊一甒。醴在服北。註云。無偶曰側。與此側別。○馬氏曰。面尊則不側。側尊則下面。尊於房戶之間。賓主共之是也。

音註

斚於據切。甒音武。

始冠緇布冠。自諸侯下達冠而敝之可也。

冠禮初加緇布冠。諸侯以下通用。存古故用之。非時王之制也。故既用卽敝弃之可矣。